

NAQQIUT

Siunnersuut 11. januar 2011-meersoq taarserpaa

(Nutserinerlunneq pissutigalugu saqqummiussinerup kalaallisut oqaasertaani naqqiisoqarpoq. Qallunaatuuani allannguisoqanngilaq.)

Uunga siunnersuut: Pisiniartarneq pillugu inatsimmi allannguutit Kalaallit Nunaannut atuutilersinneqarnissaannik peqqussummut Namminersorlutik Oqartussat oqaaseqaataat pillugu Inatsisartut aalajangiiffigisassaattut siunnersuut.

Saqqummiussineq**(Inuussutissarsionermut Aatsitassanullu Naalakkersuisoq)****Siullermeerneqarnera**

Pisiniartarnermut inatsisip allannguutaasa atuutsilernissaat pillugit Kalaallit Nunaannut Peqqussummut Namminersorlutik Oqartussat oqaaseqaataat pillugit Inatsisartunit aalajangiiffigisassaq matumuuna Naalakkersuisut saqqummiutissavaat.

Pisiniartarnermut inatsit niuertuni atuisartunilu pisinnaatitaaffiit ilaannik illuatungeriillutik imminnut qulakkeerineqataavoq, illuutit pinnagit pisiniartoqaraangat imaluunniit tuniniaasoqaraangat toqqissisimanermik tatiginninnermillu pilersitseqataalluni. Piffissap ingerlanerani nunani niueqatigisartakkatsinni amerlasuuni allannguutit atuinermi politikikkut suliniutit ilisarnaatigisimavaat, soorunami Kalaallit Nunaanni aamma atuutsilernissaannut tulluarsinnaasut.

Pisiniartarnermut inatsisip allanngortinneqarnerata Kalaallit Nunaanni atuisartut niueraangamik pitsaanagerusumik illersorneqartarnissaat kingunerissavaa. Tamatumunnga assersuutissat ilagaat maalaaruteqarsinnaanermut piffissarititap ukiumit ataatsimit ukiunut marlunnut sivitsorneqarnissaa, taamaalillutik Kalaallit Nunaanni atuisartut pisiniarnerup naammassereernerani pisiarisimasamia ajoqutaat amigaataallu ukiut marluk angullugit maalaarutigisinnaalissavaat. Allannguutit pingaaruteqarluinnartut ilaat tassaavoq, allannguutit peqqussummi aalajangersimasumik nassuiaateqarmat qaqugukkut atuisartumik isumaqatigiinneqarsimanersoq, tamannalu aamma atuisartunik illersuinissaq pillugu inatsisinut allanut aammattaq pingaaruteqarluinnarluni, tamakkununga ilaallutik atuisartut illersorneqarnissaat pillugu inatsit aamma ernialersuisarneq pillugu inatsit.

Naalakkersuisut isumaqarput malittarisassanik nutaanik nalitsinnullu naleqqunnerusunik Kalaallit Nunaanni atuisartunik pitsaanagerusumik pisinnaatitaaffeqartinnissaannik qulakkeerinnittunik pisariaqartitsisoqartoq, kiisalu niuertut atuisartullu akornanni tatigeqatigiinnerunermik pilersitsisoqassasoq.

2010-mi upernaakkut ataatsimiinnermi kiisalu 2010-mi ukiaanerani ataatsimiinnermi pisiniartarnermut inatsisip nutarterneqarnissaa pillugu aalajangiiffigisassatut siunnersuut

saqqummiunneqarpoq oqaluuserineqarlunilu. Taakkunatigut pisiniartarnermut inatsimmi allannguuteqartoqarnissaanik maanna pisariaqartitsisoqarnera isumaqarnarpoq.

Pisiniartarnermut inatsimmi allannguutit atuutsilernissaat pillugit Kalaallit Nunaannut Peqqussut Inatsisartut akuerissagaat Naalakkersuisut inassutigaat.

Inatsisartuni pisiniartarneq pillugu inatsit, aammalu atuisartunik illersuinissaq pillugu eqeersimaartumik oqallittoqarnissaa qilanaaraara.

Tamakku Naalakkersuisut oqaatigiumavaat.